

**Umno Kelantan Kesal Sikap Taksub Sokong Parti Politik Sehingga Bercerai
Bernama
13 Julai, 2012**

KOTA BAHARU, 13 Julai (Bernama) -- Umno Kelantan kesal sikap sesetengah pihak yang begitu taksub terhadap parti politik tertentu sehingga menyebabkan berlakunya pelbagai masalah seperti perpecahan dan perceraian.

Timbalan Pengerusi Badan Perhubungan Umno Kelantan Datuk Dr Awang Adek Hussin berkata ia sesuatu yang sangat menyedihkan apabila sikap ekstrim dalam berpolitik itu seolah-olah direstui pemimpin parti politik tersebut sehingga berlakunya perkara seumpama itu.

"Pendekatan melampau melibatkan soal agama dan kaum yang digunakan parti politik terbabit menyebabkan timbul kebencian dan jurang sehingga berlakunya masalah perceraian, solat dua imam dan sebagainya.

"Ini akhirnya boleh merosakkan negara yang telah lama mengamalkan sikap toleransi antara kaum dan bangsa serta pengukuhan institusi kekeluargaan," katanya kepada pemberita selepas merasmikan Forum Barisan Nasional (BN) Di Hati, Janji Ditepati di sini, Jumaat.

Timbalan Menteri Pelajaran Datuk Wee Ka Siong dan kira-kira 1,000 orang, hadir pada majlis tersebut.

-- BERNAMA

Hak Cipta Terpelihara © 2012 BERNAMA

Source: <http://www.bernama.com/bernama/v6/bm/newsindex.php?id=680470>